

MASSACHUSETTS COALITION FOR OCCUPATIONAL
SAFETY & HEALTH

REZIME DWA OU GENYEN DAPRE LWA OSHA

FACTSHEET OF THE "PROTECTING WORKERS WHO EXERCISE RIGHTS"

Dwa Pou Kondisyon Travay La Senesof

Ou gen dwa pou travay nan kondisyon ki pap fè w malad oubyen ki pa reprezante yon danje pou ou. OSHA (Occupational Safety and Health Administration) egzize tout anplawè (patron) pou elimine tout danje ki klè oubyen trè koni.

Dwa a Enfòmasyon

- Ou gen dwa pou mande epi resevwa enfòmasyon de patron an sou:
- Pwodi chimik oumenm oubyen lòt travayè itilize nan travay la
- Aksidan oubyen maladi lòt travayè swa prezan oubyen nan pase atrape nan travay la
- Achiv papye medikal ou
- Tès patron an fè pou mezire pwodi chimik, bri, ak nivo radiasyon

Dwa pou Okouran de Danje ki Genyen nan Pwodi Chimik yo

Patron w oblige ba ou tout enfòmasyon sou danje ki genyen nan pwodi chimik ki egziste nan travay ou avan menm ou kòmanse travay la. Espesyalman patron an dwe:

- Genyen *Material Safety Data Sheets (MSDS)* sou tout pwodi chimik swa ke w travay oubyen ekspoze ak yo la pou si w bezwen li yo oubyen yon fotokopi.
- Asire l ke tout pwodi chimik ki reprezante yon danje gen yon etikèt ki idantifye l
- Ba w fòmasyon pou ka pwoteje tèt ou ak enfòmasyon sou sou kijan pwodi chimik yo kapab afekte sante w

Dwa pou Patisipe nan Aktivite pou Pwoteje Sante w ak Sekirite w san

Patron an pa Diskrimine Kont ou

Ou gen dwa pou mande ke anviwònanman w ap travay la senesof san pè san krent. Patron an pa gen dwa transfere w, denye w yon ogmantasyon, diminye nan lè travay ou oubyen revoke w paske ou angaje nan aktivite sou sante ak sekirite nan travay la

Dwa pou Resevwa Fòmasyon sou Sante ak Sekirite

Patron w oblige ba w fòmasyon sou danje ki egziste nan travay la ki papab afekte sante w ak sekirite w. Pà egzamp patron an dwe ba w fòmasyon sou kijan pou maneuvre pwodi chimik yo ak fason pou kanpe (sispan n) machin yo.

Dwa pou ranpli Fòm Konplent OSHA a

Ou gen dwa pou ranpli fòm konplent OSHA a si w panse ke kondisyon travay la kapab afekte sante w ak sekirite w. Ou kapab pote plent bay OSHA swa nan telefòn oubyen alekri. Si w ta vle envite OSHA pou yo enspekte travay ou a, ou fèt pou ranpli yon fòm epi poste l ba yo nan biwo OSHA ki pi pre w la. Rele: 1-800-321-OSHA (6742) pou mande adrès biwo ki pi pre w la.

Dwa pou Mande OSHA pou l fè Enspeksyon nan Travay ou a

Ou gen dwa pou mande OSHA pou l fè enspeksyon nan travay ou a. Ekri OSHA pou mande l pou fè enspeksyon nan travay ou a. Ou kapab patisipe nan pwoesisis enspeksyon an pou asire w yon bon siksè.

Men Organizasyon ki Kapab Ede w Lè w Bezwèn Itilize OSHA

- Rele reprezantan sendika w, si w gen sendika nan travay ou
- Rele MassCOSH (Committee for Occupational safety and Health)
(617) 825-7233. Nou pale kreyòl
- Rele OSHA nan 1-800-321-OSHA pou mande yo pou biwo ki pi pre w la

**MassCOSH
Massachusetts Coalition for Occupational
Safety and Health
12 Southern Ave.
Dorchester, MA 02124
(617) 825-7233**